

perdrix, avidissime mense Iulii comeditur. Skouts anate minor est, ejusdem coloris, caro dura, ova tamen anserinis majora ponunt, quæ, elixa duraque reddita, optime cum aceto & petrocelino eduntur, putamina viridis sunt coloris, maculis nigris interspersa. Fuit olim sedes & pars Prioratus de Pitraweem, eique censum annuum pendit. In feofamentum dedit Carolus Rex Iano Cunigham, concedendo ei insulam, cum libertate inibi ædificandi pharum, ad navibus noctu prætereuntibus ostendendum lumen, uti ædificavit ibi turrim 40 pedes altam, undique ad summitatem fornicatam & lapidibus strata, ubi per totum annum lucet focus carbonum ut supra, pro ea libertate tenentur nautæ per tonnā persolvere 2 sesterios. Primus hujus auctor Alexander Cunigham, hyeme ex insula Fifam domum suam Born, prope Careill petens, naufragio periit. Post decennium veneficæ Cætelianæ confessæ sunt ope dæmonis hoc se fecisse; tempestas enim illa, ne quidem per dimidium horæ duravit, illeque solus ex omnibus, cum scapha ad littus fluctibus pulsus. De quo sic Alex. Scotus primus Andreapoli humaniorum litterarum Professor:

*Lumina Barneus posuit vigilantia turre,
Carperet ut ponto navita tutus iter.*

*Cum neque Sydonis felix neque stella Pelasgis,
Nec de Signiferi jam nitet ulla Choro,
Inter navisfragum Carram & Basse ardua saxa,
Ecce salutiferum Maia lumen habet.*

*Hic tamen heu princeps & tanti muneris auctor,
Qua tetigit portus leta carina suos,
Nec Casum Arcturi, Hædorum aut palluit Ortus,
Occidit undoso naufragus ipse freto.*

*Fortiades quæ causa fuit? quis crimine tanto
Obstrinxit vestras invidiosus aquas?*

*Sydera Barneo crudelia fata tulerunt,
Forte quod in terris syderis auctor erat.*

*Lumine Amycleos superat quod perpete flammæ,
Nec cadit aut ullo tempore nube latet.*

*Forte etiam Eoliis auster meditatus ab antris
Vindictam, fratres movit ad arma suos;*

*Auspice Barneo, quod jam sua flamina nautæ
Irrita despiciant invalidasque minas;*

*Vel potius Nerei genus, & natantia ponto
Numina (si fas est dicere) livor habet.*

*Ne supra Glaucum & supra Inoem Melicertem,
Ille Caledoniis jam coleretur aquis.*

*Vrbe aliqua aut etiam latitans furialis Erychtho
Littorea, magicis est operata sacris,*

*Inque caput superis charum Styga moverat omnem,
Damna Acherontæo vaticinata gregi.*

*Quicquid erat, neque enim clausas adamante resigro
Fatorum leges, sint sua jura Polo.*

*Magnis sepe viris, qui clara exempla dedere,
Contigit inter aquas mortis acerba pati.*

*Sic pius Aneas, Romani nominis auctor,
Vix nato sobole gurgite raptus erat.*

*Sic & Fergusius pater, illibata nepotes
Vnde per innumeros sceptræ Britannus habet.*

*Victor & Armeniis princeps Romanus in oris
Fridricus Latii spes, Asiaque timor;*

*Innumericæ alii; Ceyx; puer Icarus olim;
Quique dedit nomen dux Tyberinus aquis,*

*Vitam ergo Cunighame tuam non sydera, venti,
Non rapuere maris, Tartarique Dii.*

*Sed Deus eximiis æquans te heroibus, ipsa
Iam morte auctoris constabilivit opus.*

*Luceat ut Majæ compar cælestibus ignis
Barnei & virtus charior igne suo.*

*Quin mare non ausum tam sacram piscibus escam
Tradere, te planxit, restituitque tuis.*

*Obscuri cecidere alii, & volvuntur in undis,
Mors eadem, ast tumuli non erat æquis honos,*

*Hinc, quoniam multos servasti lumine cives,
Civica te in cæli luce corona beat:*

Adjungam hoc loco non infacetum Caroli Geddæi carmen, de lumine sive Pharo Majæ, cujus pentametri literæ numerales designant annum Domini, quo fundata est turris:

*Flamina ne noceant, neu flumina, Lumina Majæ
Præb Vlt, & Medils Ins VLA LVXIt aq Vls.
M D L L X V V V V I I I I I.*

Inche-Keith Insula longitudine est unius miliaris, pertinet ad Dominum de Kingorn, in historia Gallica appellatur Equorum insula, reddit enim equos pinguißimos spacio duorum mensium. Arx ibi fuit munitissima, cujus rudera supersunt. Tempore minoritatis reginæ Mariæ, ex ea Galli, qui eam infederant, expulsi, & actu Parlamenti diruta. Cuniculi ibi multi.

Insula S. Columbi, S. Colme Inche, olim Amona dicta, fuit olim Abbatia, habuit multa latifundia in feudum concessa, post diruta monasteria, Iacobo Stuarro, Domino de S. Colm: jam in manus Comitissæ de Murray peremptionem venit. Pascit 20 oves. Insula non amplius distat 2 mill. ab Abyrdouria.

Inche Garvie, muri & fornices magni fortalitii ibi etiamnum supersunt, operiuntur nunc asseribus, suntque aliquot milites præfidiarii, bombardis possunt attingere utrumque latus, ita ut flumen, iis invitis navigari nequeat.